

詩

楓皋集

一

御製
御筆

楓皋集序

予小子奉

慈聖明命纘承丕緒顧惟寡

昧夙夜慄慄祇懼今六載

于茲矣使我外祖金忠文

公在者以所受知於

正廟所鞠瘁賢襄於

純考者輔導迪棐予不逮當

何如也而典型已邈俯仰

有不慙遺之歎矣舅氏領

相裒公詩文付剗劖將布
之于世公之學源家庭發
為事功固已耀國乘載輿
誦而惟其用心仁惻一循
天則真心大識見出自真

正大力量讀是集者自有
以知之予其敢私於公哉
予即除五載八月日



楓皋集總目

卷之一

詩

卷之二

詩

卷之三

詩

卷之四

詩

卷之五

詩

卷之六

詩

卷之七

疏劄

卷之八

疏劄

卷之九

奏

啓

應製文

祭文

卷之十

書

卷之十一

碑銘

墓碣

卷之十二

墓誌

墓表

行狀

卷之十三

諡狀

卷之十四

諡狀

卷之十五

序

記

跋

箴

銘

頌

贊

傳

卷之十六

雜著

楓皋集卷之一目錄

詩

遊清潭

臥雲樓

暮坐

千枝松

觀碁

久雨歎

舊穀

見鬪食飲戲作

懷古集句

還城南宅

二首

讀山谷詩集

登第後榮觀淚上

抄啓應製科體賦過申未就諸僚傍贊董能呈

券益歎才拙聊以自笑

二首

文孝世子挽詞

四首

風雨餘過題松園茶屋

二首

臨帖

判府事荷棲趙公

敬

挽

三首

成宜嬪挽詞

二首

咸興永興兩本宮衣幣將發陪駕摘院宿齋共

諸僚次唐人韻賦卽事

二首

碩齋尹待教聖甫

行恁

昨辱詩章述我先世事

勉詡備至非泆劣所敢當賦此酬之

摘文院卽事

覃恩得遊上苑諸勝仍宿籠山亭志喜恭賦

與俞子羽

漢寓

斗室沈穉教

象奎

覃恩讀書大

酉舍中得暇暫歸賦一絕以悵之

上林鹿行

柳齋集 卷一

送別石閒友人隨便赴燕

臘日

小梅 二首

除夕有懷

陪祭社壇恭瞻盛儀

聽雨季春晦日

花下醉吟惜春盡

蟬

沈尙書 豐之 挽 三首

將歸黃驪出東城門與安天宅 光宇

聯鑣

豆滿遷馬上

西郊

螢

李尚書

敬憇

挽二首

風雨夜直廬無眠

蒙譴作駒城行遣冰津舟中

二首

追愆

西清直中述懷示同僚

五首

撥悶

贈別石閒遊四郡

漫題

感興 三首

十月二十一日陞辭恭志戀結

高陽館夜恭次 御製韻

瑞興府辭家大人謹述

箕城同上使次三淵先生韻

東林道上值大雪縱轡而行 三首

灣州雜事

江上作書寄兩從氏兼呈一絕

舊遼東感懷

遼野 二首

瀋陽

高橋堡道中次上使韻

道上見流民

姜女廟

登山海關外將臺

望醫巫閭山歌

道上謾成

枯樹

除夕次上使韻

閱曉嵐紀尚書昀槐西雜誌

走筆贈水屋張刺史道渥

圈虎

烟樹

清節祠次上使韻

次上使出山海關韻

次望醫巫閭山韻

松杏兩堡感懷

二首

次上使大凌河韻

經遼雜詩

四首

賡進 御摘文院恰過一旬次未子詩韻

賡進 御製巡山詩韻

宋子大全校正訖次校正諸公軸中韻

華城畱相書索竹竿云欲以肥肉換之率爾戲

題

賡進 御製文正公尹煌不祧之什

禁直消夏雜詠

二首

引泉

賡進 御製題手圈諸書之什

賡進 御製皇壇親享日恭次 肅廟御製韻

之什

聽簪兒夜讀毛詩

二首

病枕書僕人交謫之語

僕走

僕自歸

遣閒

雲野見寄海棠詩求和遂和其韻

散悶溝上見落葉

雨中閱書篋得石閒酬和諸什讀之悄然增索

居之懷信筆更次

江外奉別仲從兄赴稷山任

松生

次杜少陵巴西驛亭韻題禿城鎮南樓

紗帽詠

好廬

京口送別歸路登西城

元根婦見志喜

七思

七首

正宗大王挽章

五首

次錦石朴判敦丈

準源

禁直韻

樹齋集

卷一

小梅蓓蕾吟呈憨軒求和

楓皋集卷之一

詩

遊清潭

并序

清潭在三角北仁壽之下崇巖幽壑吐納雲霞百里之間水石之奇者皆出於下以是遊子之轍橫今古也癸卯七月小晦余與石閒金照訪焉咸拂衣烟林并溪斯征既至觀其所謂潭者奇種種不可殫也蓋三谷之水得石而勝淳而爲潭既潭溢爲溪既溪懸而瀑灌而梁淺者爲澗滴者爲溜石既潔泉既清

負山夷其确臨流矐其構者曰臥雲樓故相
國洪公所剏也三淵先生嘗於前二丙申七
月文宴於斯二三文士者從各扁詩於壁旣
想清韻繼乃感激載悵載欣乃作遊清潭詩
出門心浩蕩入山轉幽寂寥寥輕秋韻濛濛太古色
冠礙蒼藤垂衣濕翠嵐滴逕逼行常危喬林蔽日黑
緩步窺洞天漸喜神思滌隱隱遠峯雷捲送練光白
逐溪信山迴境新心賞適盤陀忽我前廣闊頗壯特
蒼蒼翳輕陰潤潔坐勝席上下潭之水稟奇於斯石
緩或石背散峻或石腹擊垂如明綃拂滴如珠簾織

怒者急噴雪靜者細涵碧坐我空色界恍然塵垢別
臥雲誰家樓丹綠炫雕飾東西置房室前後羅卉植
迎風畫檐褰納月雕戶闢文嵯當粉垣奇雲抵雕畫
平按四時景仙凡遂自隔谷音答流響宮商切簫笛
我家三淵翁題詩猶在壁而今七十載光怪發古墨
我來符是月驚喜增感激曾聞華陽老大字有畱刻
輕屣凌絕巖負杖披深棘東邊小木橋我僕忙理屐
手持一盂飯精潔勸我食不知山色好只愁山日夕
慎莫久稽畱縱橫猛獸跡謹慎多謝爾良辰寧不惜
洩雲含雨起松籟水相拍密霧濕朱栱盡失俄所覲

怊悵別靈境三步一嘆息古樹橫洞口龍蛇互騰擲
鬼斧鑿仁壽元氣於此積峯成潭卽餘敢以間人力
如何造物者區區作無益

臥雲樓

蒼壁丹樓畫裏同苔階獨睡有邨翁昔人已逝水長
在客子將還山更空古樹根橫藤蔓上洩雲影倒石
潭中從今一別頻應夢何事妨遊日欲窮

暮坐

日暮山樓孤烟暝人不知矯首望空際忽如有所思
思入浮雲端杳與天無涯

千枝松

并序

松蓋成公三問故墟之植也公嘗封之至今
直節森然人猶惜而護之松之名將並公不
泯公之迹亦有松可撫也

百尺孤松紫閣陰成公不死歲寒心
籟鳴白日靈如下根到黃泉恨亦深

觀碁

山閣淒淒秋雨霏石枰努目到斜暉
簾間落子鏗然響減却庭梧一葉飛

久雨歎

往時農子怨苗乾一夜淋鈴四野歡聞說如今要反
早做天儘覺副人難

舊穀

舊穀既云沒新穀繼乃登古人亦已死後人從而興
穀當舊困積人宜古道弘

見鬪食飲戲作

下賤無他腸乾餽果爲愆喉嚨猶未下怨怒起廚前
遑恤同炊情疾如仇讎然遽及平生過惡言方便便
餘膳消口毒已而復相憐

懷古集句

不堪登眺只堪傷
華表峨峨夜有霜
事去千年猶恨速
人間無路月茫茫

還城南宅

小亭原不足稱之
樸素清高乃德基
仰視椽頭團簇簇
那知若個笛材宜

四載西南客今朝
始故園蔣生元有
徑陶子早關門
叢杞春方吐幽禽
暖自言終南翠微
色寂寂滿庭軒

讀山谷詩集

我姓惟金公姓黃
問黃是底金之光
黃與金無可離
義雖謂姓同固何
傷公識東坡百世
士師友不直尊

楊皋集 卷一

文章我亦平生慕仰甚卽謂心同未是謊公降人間
碧鷄紀於今七八百年強達觀窮宙祇一瞬復謂生
同也非狂嗟公名節真君子磊落青史畱芬芳讀公
之詩每三復雋永奧奇超凡常雖有三同不可見掩
卷搔頭太息長

登第後榮觀淚上

天香新惹賜花枝昨日躊躇下玉墀西出重關心自
急東瞻雙闕步還遲君恩似海誠難測臣質雖菲
敢顧私却懼全家團樂地祇無毫末答明時

抄啓應製科體賦過申未就諸僚傍贊董能呈

券益歎才拙聊以自笑

向來不合笑酸儒今日酸儒定笑吾多愧孟郊時用
拙當場露醜乞原夫

嘗怪梅公羨老兵今知識字誤平生金銀學士干何
事笑罵從他宦却清

文孝世子挽詞

祖宗垂景祐俶 誕壬寅年 聖節宮奠驗神符苑

棗傳含飴徵漢慶主鬯屬周賢 少海添籌屋岡松

祈自天

邸開 英考歲經御 肅王齡袞繡俄聞絳書帷已

觀青賁儀光舊甲泰運喜重丁雲日頻呈瑞銅闥護
百靈

煌煌日月姿疑疑溫文儀承儉襖衫澣耽看縹帙虧
違顏呱乃泣繞膝色方怡三載淵潛德曾聞近侍
知

文以剛柔濟孝爲慈惠根祇擎新諡美采切舊僚冤
六字楓宸筆千秋栗洞原蕭蕭前夜雨偏向萬安
門

風雨餘過題松園茶屋

小鑪移晷裊餘烟黃鳥聲中破午眠佇立風欄無限

意落花時勝養花天

澹煙斜日照蒼苔
委白飄紅滿眼來
寄語花神休悵怨
早無風雨不成開

臨帖

密地紛塵絕繚垣
御氣通竹語搖烟
翠荷香泛水紅攤
書移晚晷臨帖續
前功浩蕩君恩大
逍遙樂此中

判府事荷樓趙公敬挽

君親愛自秉彝端
其孰無然盡固難
樹立如公方不死
煌煌史策幾人完

持麻毀瘠杖而扶墓樹三年着淚枯饘粥不調薑桂
味顏丁高子有之無

橫流涕泗伏荒田嗚咽陳辭駐蹕前 御手傳符猶
不受終教奴隸覩青天

成宜嬪挽詞

曾自瑤臺降紫雲飄然來傍 聖明君衣綈辭輦何
須道淑德宜傳女史芬

天心眷我壬寅秋滿寢紅光 誕降休與奪恩恩神
理漠五年如夢四重謳

咸興永興兩本宮衣幣將發陪駕擣院宿齋共

諸僚次唐人韻賦卽事

金鴨都梁煖更微
仙居持戒漏聲稀
春浮畫仗深深駐
雨帶楊花點點飛
夜氣初凝宣室燭
月遊遙感沛宮衣
諸公剩有驚人語
綵筆爭携鳳沼歸

夜靜春寒酒力微
星光人語漸看稀
池清海鶴閒相對
露潔林花宿不飛
已歎江郎還舊錦
空懷孫老賦初衣
黃驪一帶新波綠
石首風高正憶歸

碩齋尹待教聖甫

行恁

昨辱詩章述我先世事

勉詡備至非渙劣所敢當賦此酬之

我實不諂我祖事我祖樹立中天地我實不克肖我

祖若臨于淵將恐墜碩齋夫子偏導掖譬如蝦作水
母視碩齋年今二十六明瞳廣額眉疎翠 聖朝右
文彙閨彥宏詞博學今無二世人共羨聲名早我獨
謂君傳忠義繼世立恪天下稀君家學士尤拔萃鴻
毛泰山俄輕重烈氣直干蒼穹遼老曾於公亦奈何
昭昭日星光四被民到于今整不戎君臣父子伊誰
賜我以公似我祖賢視君於我同昆季君不忘舊亦
能然相待却與凡交異蘭臺並武多日月薰葭定幸
玉樹庇齒爵不曾大參差話言懽然雜調戲前宵漏
永少睡魔忽驚院吏傳筒至筆勢淋漓眼先動百十

九字呈胄次近來齷齪詩久喪風騷復作君何自雪
助其潔月添光靈籟肅肅生篋笥獎我不敢當其語
勉我何以謝其意強將筆墨增羞澀不幾妄弄班門
器應君福力多子孫及我後裔知先諄

摘文院卽事

庭鶴毳毼相對眠空廳趺坐塔如禪夕陽迢遞朱甍
外流水潺湲碧圯前秋豈有情蟲自爾人安無老樹
猶然羣龍濟濟憑誰說斷雨疎星二十年

覃恩得遊上苑諸勝仍宿籠山亭志喜恭賦

時

局方製璫玉膏於此提調副提調二人以監製
入直於太極亭偶於筵中語及此事賤臣私謂

尹聖甫曰吾輩近侍多年反不藥院諸公之如
也上忽下詢曰汝曹何語以此意仰對上如
笑教曰汝曹亦欲入宿乎是不難也仍又教曰
提調副提調皆承旨汝輩皆史官也今夕予當
備饌往臨也臣等皆謝恩而退與李周玉內翰
同由永肅門而入上又命守門者許入諸臣
衾具飯案又許僚從之帶入時山日欲西上林
烟景正秋仍遍觀入坐太極亭與內局諸人叙
話飯後又與諸僚率諸僚至玉流泉壅前觀煉
滿決之以觀瀑少焉日暮仍歸龍山亭於翠寒
藥已而燈光從樹間出蹕聲作急出伏於翠寒
亭前上御肩輿幅巾便服來臨召問二提舉
安否又教臣等曰今日之遊樂否臣等對以樂
不可勝矣臣上又臨視藥鑪仍教曰少選當送
酒醉飽穩眠也仍還內初更時數別監領饌而
來且傳下教曰此是慈宮親備賜送者其各
飽啖也諸臣俱以便着加帽承命訖受饌陳前
酒二壺大小各一牒大小共六榼大小共二碗
大小共七品皆精腴味且珍異諸臣同會太極
亭恣意飲嚼又各裹其餘納之袖袖不可舉仍

分與諸臣之從者從者幾十數人猶有餘品各
裹去飲訖皆對別監稱謝蓋不敢直以謝意
奏也夜久歸宿龍山亭曉起梳洗日出後又遍
觀昨未經處由永肅門各歸直次午後登筵稱
謝從古近臣之被恩數者甚多未有如臣等之
曠前絕後也雖李白之金鑾伴宿又奚以多加
是不可以無志以示來世兼
紀上林諸勝恭賦如此云

聖世優恩渥清遊許上林相從二三子滌慮披疎襟
秋晴饒勝槩况復聞夕禽曲曲楓樹色亭樓隱若深
紆迴屢轉蹊忽復值幽岑不知行步倦但覺木末臨
淥然壑底聲寒碧澄人心小亭當山奧松檜擁以森
便與塵世隔遂欲忘古今土鑪安藥鼎桑枝文火燭
眞仙不在天瓊劑直萬金向夜霜氣高凡骨怯單衾

靈光若相衛睡魔不敢侵內廚頒仙液恩波穩共斟
此身那到此夢裏或來尋娓娓叙清話偃仰遺珮簪
曉看星斗垂擬爲步虛音上蒼閬紅塵遣我免陸沈

與俞子羽

漢寓

斗室沈穉教

象奎

覃恩讀書大

西舍中得暇暫歸賦一絕以悵之

窓前碧桃樹落花紛如霰仙家畱少別幾日重相見

上林鹿行

上林鹿角觶曲寇來不能觸但逢平人逞狠毒昔爾
高臥白雲谷食苹飲泉閒自足世人視爾無牽束一
朝胡爲獸圈錄野性窒且牯多忌又多欲妄恃恩囿

自躑躅若聞虎嘯應局促上林鹿徒費太官粟

送別石閒友人隨使赴燕

吾祖藩關三載囚高風大節貫千秋蘇卿矢死甘居
害文相盟心不下樓北漠驕酋猶破膽中朝義士敢
爭頭從容手植綱常在非比臨危慷慨休

臘日

一病經旬臥居然臘日迴不知溪上柳暖動幾條來

小梅

暗香疎影透紗單春色朦朧正耐看牕下小童回首
笑開空風雪又無端

南枝花較北枝先一閣如分向背然祇是天機嫌洩
盡未成房處妙還全

除夕有懷

季冬晦日稱除夕古來好事多戲劇火聲爆裂驚山
竹泥封圻開盈樽柏妖韶寂歷跳板娘大擲狂叫擣
蒲客街童結隊鬧不睡睡時或恐雙眉白夜光不曾
携履去庚申豈能天上適老翁深坐愁鬢髮滿案酒
食非吾樂少年莫笑翁如此此翁行樂今如昨正是
人間年不盡去年猶似今年俗香溪學士直金鑾忽
對佳辰長太息傍人不識心中事且來問我何惕惕

看君身是仙曹官不似凡人空落拓知君年今二十
二綠髮朱顏勁筋力底事今宵心忽忽我今看君無
不足憶曾終南山雪中高臥茅茨斷人跡是日隣人
送牛酒勸我起飲當寥寂百回銘感謝來者堆盤倒
壺快飲嚼醉飽以來無別事閉戶自抽羣書讀街鐘
欲歇萬籟靜忽驚足音起空谷入門不必問阿誰微
汝曠士肯我識把臂相看眸已青起居寒暄都廢却
爾能嗜酒我嗜談重整杯樽剪殘燭蓋世榮華今是
誰掀天事業還碌碌人生一世草一秋無可奈何雙
脚直我先哭爾大不可爾先哭我還不得上下神祇

森在傍爾歡我愛情愈篤天旣生君重生我使之往
來無間隔昔有處士張公者能以太虛爲第宅四海
諸公日相處安往不吾神落落曠士啞然一開眉我
有痒處君搔着半生結交多老蒼不聞妙道空樊屐
誰知夫君花似貌抹倒千人翻口角常恨曼倩無處
起偶識中散真不辱我與曠士神已交不速卽來成
佳約上元踏橋三日花端陽插蒲重九菊最喜中秋
十五夜樓頭望月情脉脉揚輝閣裏竹皮箱半是曠
士之書牘山寺休夏共禪榻頓忘苦熱當三伏一自
去年登第後多金門少在屋曠士不以爲趨名知

我心頭能寡慾無書不以爲相忘知我手無操筆隙
曠士知我寧不深知我以心勝白璧邇來三月音容
隔又值佳辰倍相憶如何使我顏色怡倚壁書空記
平昔我思曠士思不見海水茫茫沈大石慧業多生
定缺陷曠士亦應懷感激

陪祭社壇恭瞻盛儀

肅肅神壇上洋洋發管笙莊容端卷冕明薦潔粢牲
掩翳香烟動蒼茫夜氣清禮終采敬惕天意假宸
誠

聽雨季春晦日

向晚瀟疎響殘花望却迷惜春猶細細作意故淒淒
未足池塘水纔添野徑泥聽來同是雨偏感此時題

花下醉吟惜春盡

一年三百六十日百年三萬六千日以指計日將支
離以身送日何恩卒驀見東園千樹花使我心傷神
飄忽雨催花老風催落夕之飛者朝曾發假如人生
百年盡逆旅春光九百旬疾病憂故半間之芳樽美
友難並親細數一生看花日三春絕稀無事辰山前
老人頭垂地百回看花猶未臻看花百回那是厭况
此兼非百年身奈何不來花下遊到後看花屬別人

有花且折酒可飲少須臾間鬢如銀花開花落經幾
番紅顏一舊不復新安知今日此花前古人曾不醉
青春

蟬

垂綏吟樹顛肅然引清籟本以高遠心警人言語外

沈尙書

豐之挽

白哲其容謹慎姿平生深荷聖人知鴈班玉立垂
紳際燕處金緘退食時一院向來無等輩九卿今後
有阿誰秋山滿眼臨風淚未是姻親瑣瑣私

曾不云乖矧又崖端教後輩作模楷苞苴巷斷家餘

壁鳥履堂空鳥下階華袞 天垂精白諭芳聲時許
簡恬懷蒿歌却雜棠謠咽迎哭軍民錦水涯

蒼崖上下卜隣居承誨于今十載餘緣我疎慵多率
爾知公眷愛敢忘諸半生儀式成幽夢一慟差池鎖
禁廬泉路若逢賢姪語彭殤哀樂問何如

將歸黃驪出東城門與安天宅

光字

聯鑣

路轉青郊東復東聯鑣稍喜馬蹄工迎人草色新承
旭撲地楊絲正耐風野犂耕翻泥滑滑山鳩喚噎雨
濛濛定知慘愴哦詩思圓在平邱驛舍中

豆彌遷馬上

危石崩崖儘可愁，灣回棧路更深幽。
遙疑急峽連天合，旋喜長江劈地流。
草暝山鷄鳴格格，波晴沙鳥泛悠悠。
揚鞭却羨褰篷者，帆正西風坐自由。

西郊

慣踏西郊路，秋風信馬行。
潦乾沙絕白，天迥嶽分明。
落葉侵詩興，歸鴻動別情。
關河從此去，遂欲事長征。

螢

借色方欺暗，虛名愧逼真。
自照猶未遍，餘光敢及人。

李尚書

敬懋

挽

八尺挺奇表，河魁自有星。
山西遺將種，壇上荷王

靈韜略幸無用旂常誰禁銘書生援大筆哀挽替丹青

材武超羣足忠清繼祖能三軍環肅靜匹馬勢飛騰
急浪中流柱炎天一片冰平生依骨相強項後來稱
風雨夜直廬無眠

欲眠還起夜何如童子開門雨尺餘兒但啼飢妻久
病漏牀誰惜濕殘書

蒙譴作駒城行遣冰津舟中

躍馬宣傳官一辭不相慰揚鞭叱舟子催渡盛色氣
云奉聖旨來恐致時限旣曩在春明裏君曾值我

未視君今朝狀令我縮如蝟榮枯與炎涼於茲嘗世
味所以周丞相曾謂獄吏貴

未暇飯充饑何論裘禦寒倉卒瘦馬步十里已蹣跚
尋詩偶回首不見終南巒憶昨前席地丁丁漏水闌
屢換蓮燭跋咫尺玉音歡此遣知玉成桐鄉又似
官寸心轉感結蒼天臣敢謾

追愆

小臣生何幸生逢聖明辰早歲忝朝籍偏霑雨露
恩蘭臺復石渠起居以昏晨雖無尺寸才報答天地
仁庶幾造次地不敢自有身惶恐向來事祇今面駢

頻慈父牖迷子 天語告諄諄追愆且銘肺作詩替

書紳

西清直中述懷示同僚

吾東大天下禮樂盡在斯 聖神相繼作一德兼君
師典章及辭命燦然軼姚姬我 后志善述笙鏞賁
爲治洋洋發 聖謨經緯彌兩儀峨峨宙合樓三光
爛並麗鳶魚作成化濟濟今其時小臣拜稽首君子
萬年期

大哉魯夫子如天不可升後學眇何知遺文足以徵
五經在刪述吾道有所憑三千門弟子况復顏與曾

萬世啓坦途彝倫賴不崩至今方冊內如對暗室燈
聖遠微言息羣疑乃滿途九流與百家各自成一區
立言旣放肆著書亦崎嶇一自孟氏去疇能距翟朱
戰國風雨惡日星晦欲無嗚呼組繡輩亦復稱名儒
開元大曆際李杜及孟王出入三百篇字字挾風霜
金石有遺響日月可爭光更有昌黎氏雄辭闢荒唐
秋江注洙泗烟波浩茫茫大抵太宗業幾與漢頡頏
上蒼亦厭亂五緯聚奎躔真人撥雲霧蒼生復見天
聖學絕還續發揮有羣賢卓矣紫陽翁斯道繼文宣
降生歲庚戌功業並萬年小之文章技猶復造化權

金玉與菽粟日用兩無偏嗟哉吾黨士同歸此萬全

撥悶

撥悶吟詩悶更多悠悠浮世奈吾何嚙來依舊仍成蠟蒸出無那竟是沙珂馬紛紛身外去江湖落落夢中過思將好句酬知己恐被傍人日復訶

贈別石閒遊四郡

蠟屐君今問謝家丹邱明月赤城霞可憐宗炳身多病閒却春風白鼻騮

漫題

坐吃廣興倉裏米臥看東二樓中書於今此味非無

足較到鄉園樂孰如

感興

青青原上樹昔茂今已槁念此朱顏澤能得幾時好
二十不爲少三十亦太老歲色寢將暮慨我興歎浩
邈彼松喬輩笑人憂思慄手捧一丸藥粲然歸瓊島
嚴霜隕中谷北風慘欲曙壯士不得挽雙輪棄我去
徘徊歎歲暮黯然集千慮出門無所適入門無所語
夙昔丈夫志而今拋何處

矸矸南山石咽咽松下流出門望古人古人何悠悠
聞道嗟已晚須臾成白頭素琴絕傾耳欲彈還自羞

奈何百年身兼懷今古憂

十月二十一日陞辭恭志戀結

璇章擎出送行筵方寸搖搖步不前
密邇春明門內地瞻依日月幾多年

高陽館夜恭次 御製韻

悠哉何日返悵悵出王京雲漢光前路
風霜足遠行徒霑 聖主渥敢企先臣清
儘覺書生拙山川謾記名

瑞興府辭家大人謹述

大人素嚴正不爲煦濡色今日見我行
顏殊辭惻惻

豈云異昔日爲我行絕域戒我畏王事毋憚勞筋力
勉我在行李起居慎飲食送我至外門促我登車軾
小子亦何懷長跪畢承飭肅拜欲起立雙淚隨身直
拭淚瞻慈顏更看髮少黑自我許明時常多曠子職
矧茲經冬別萬里音書塞嗟嗟陟岵詩臨歧不忍憶
箕城同上使次三淵先生韻

賜花聞喜地駢牡又清遊不皺城前水多憐寺上樓
經來幾日月尋得舊風流三宿畱餘戀新春好盪舟
東林道上值大雪縱轡而行

早日彤雲鬱未開旋看六出滿空來行人一半鄉園

樹皋集

卷一

思着遍書牕老樹梅

濂濂拍拍沒鞍時若值深宵更絕奇
快事千秋誰第一平西節度打鵝池

任他凌亂向腮飄片片寒俱酒暈消
瑤海瓊林三十里擬將行色上生綃

灣州雜事

抱水依山十里墻原初剗設卽金湯
如今四海干戈絕弓馬鄉爲翰墨場

江上作書寄兩從氏兼呈一絕

馬山雪積無歸鴈鴨水波凝斷躍魚
祇願經冬及春

半三家安穩似來書

舊遼東感懷

耳頰騰騰酒氣通襟塵野雪與之空河流不盡燕丹
恨甓塔猶高鄂國功事往千年如昨日生難并世緬
英風那堪此眼東歸後依舊天光小井中

遼野

埒井猶能語大方真如河伯面東洋雲烟浩渺同歸
盡日月奔跳轉遞忙只有長空頭上覆都無一物腹
中藏思乘古柱千年鶴瞬息周廻覽八荒
東人目窄望還愁元氣茫然未可疇往往烟村疑遠

嶼疎疎風柳似平洲亦知土壤終成嶽須到滄溟始
語流也是天公開物日放來全力不曾收

瀋陽

地利誰如古范陽盤遼枕海設堅牆贏輸滿漢分形
日先後熊袁掎角場五部畱司規密勿八旗諸族號
精良臨歧莫說興亡事天意沈沈未可量

高橋堡道中次上使韻

臘天天氣作春溫強似花風第幾番烟弄輕寒侵凍
柳溪穿殘雪繞孤村垂垂沃轡車塵晏忽忽檐帷睡
思昏更去三旬歸去好勸君強飯莫勞魂

道上見流民

道上流離子男跣女不裙望人拜且乞搏頽頽盡皸
鰲面慘我睇酸聲怛我聞十里復五里千百動成羣
言是漢人種不得隸旗軍熒熒抱疾苦誰爲我憂勤
饑神驅我來直到東海濱乞食見嗔喝委壑在朝曛
語罷更掩面清水落紛紛茫然余有思溥天歸一君
匹夫不獲所其罪誰與分所以一躬眇能定億兆殷
以茲眼中覲天道久矣淪我是異域客寧有術濟人
空言聊慰汝爲暫住征輪忽見鮮衣輦怒馬蕩香塵
橫馳去不顧蓋乃滿州云

姜女廟

枯樹荒原姜女祠
淒風殘照滿靈旗
今生須憶前身苦
莫遣人間有別離

登山海關外將臺

或謂吳三桂所築

百尺臺高一夜功
登臨想像戰爭雄
收來曠野無毫末
壓得重關似掌中
積雪未開山氣黑
斜陽不盡海門紅
笛聲忽變從軍曲
榆柳荒涼怨磧風

望醫巫閭山歌

君不見遼陽大野茫茫起蒼蒼
但盈視豎亥步將窘
夸父逐應死周天動地軸盤來人去馬旋磨
蟻七日

行不見一培塿妄謂人間自此遂無窿然峙造化之
戲那可旣黛色忽驚雲外來醫巫之山高崔嵬湧於
怒潮搏於鵲踰沙度漠亘不廻塞西東截南北蜿蜒
磅礴雄乎奇哉重嶂疊巘逐面開虎豹將變霧中伏
螭龍乍偃波間沐巖崖戍削而嶽崎兮洞谿豁豁而
邃肅雲烟合沓而萬狀兮變化難目絡脉也應祖崑
崙遠逐星海萬里奔岱華嵩恆衡之崛起赤縣兮視
之以季昆磅礴不開兮負不舉巨靈掌腫而却立夸娥
脅酸而縮蹲噫吁哉大且尊上有天帝之瓊宮瑤殿
寶幢絳節與鸞扇羣真驂鶴而馭鹿兮霞冠月珮紛

爛絢吹玉笙響夏雲投金壺笑發電我欲從之不可
見山乎山乎肇封自有虞千載鎮幽都蒙古據以國
云是古匈奴鳴弦逐獸不耕作衣皮屋氈飲酪酥耐
臥冰霜嗜殺戮其性與人殊我欲昵之畏矣乎此山
之蹟寧盡別秘奧恍惚莫臚列四時發陰飈六月飛
片雪草木當是天皇植寶玉不爲人間泄靈神怪物
異禽奇獸充斥於其間或見而或伏或生而或滅或
倚陵棲壑或飛土息穴夏禹之鼎鑄未遍張華之志
筆亦絕世曾未覩如是故世曾傳聞如是說我試臆
之精思竭山乎山乎我願化翼奮碧空會降絕巔觀

八風挾飛仙兮指廣桑撥塵寰之瞢瞢不然拳打脚
蹴碎爾成礪礪驅來精衛含口中去填渤海成平地
使我眼前東西南北無碍窮嗚呼二事石爛野陷無
遂日長歌一曲心忡忡

道上謾成

他家事業也堪哈入境吾曾覩國來漢子低頭天漠
漠蒙奴側目地恢恢劇知多諱終非福未必無憂不
作災一代休誇馳射力千秋何限桀鰲才

枯樹

生死榮枯暗自知山頭孤立待阿誰他年若有重經

日會見青青葉滿枝

除夕次上使韻

消息家鄉更渺然
流光正了季冬天
羈牀久已愁逢
夜殘燭那堪對
逝年玉宇傍寒
孤夢繞斑衣
戀晷寸心懸
諸君強酌屠蘇
勸滿飲還須
趁早眠

閱曉嵐紀尚書槐西雜志

紀氏叢書墨未枯
流傳剗剗滿燕
都人間直筆憑
無地旋作當今
鬼董狐

走筆贈水屋張刺史道渥

一見懽然張水屋
松園壁上見君
詩我家癡叔君
知

否較叔須知我更癡

圈虎

無奈英雄失足時甘心伏受蠢奴欺
畱皮只是平生意搖尾求憐有不爲

烟樹

罩林疑霧是蘸樹似波非煖積藍田
氣寒翻汞澤暉妄真觀卽性空色境
相依遠得近還失茫茫誰辨機
清節祠次上使韻

祇與扶綱牖下民何論世亂北鷄晨
商郊若是稱兵地羗里應無演易人
生避海濱非害義死飢山側孰

如仁拜祠道得君心事可信精靈不我嗔

次上使出山海關韻

登樓餘興出重關塞上風光破客顏萬里春浮鰲背
浪一天晴落馬頭山才難此地知誰展歲早奇遊却
我閒稍喜錦囊添日重看花又是故鄉還

次望醫巫閭山韻

勢絕黃沙蛻復蜒幽都作鎮歲三千騰騰蹴却東溟
水落落捫來北斗躔毳幕雪深山外地瓊林春寂洞
中天前冬一望畱新約今日重經續舊篇

松杏兩堡感懷

日暮荒原戰血鮮
松山雲接杏山天
鼓聲不起蚍蜉
絕正是將軍報主年

人間豈有長生術
天下非無畏死兒
成就似君名更
晦傷心事在啓禎時

次上使大凌河韻

大凌河比小凌闊
廢壘荒臺夾去津
二百年來河水
濁知應羞照再降人

經遼雜詩

秦帝威聲漢帝雄
河南遠拓漠南空
當時總是千秋
計今日何如薄伐功

名士身兼下士風一方專制一時雄
孱兒不克承家術博與他人百日功

五十年間處士窮空畱名姓在遼東
當時割據稱雄者輸與君家一榻工

千里郊原綠遍塍百年戎馬絕憑陵
從來此地桑麻盛難爲中州語吉徵

賡進 御攜文院恰過一旬次朱子詩韻

咫尺蓬瀛地宸臨境更幽文孫今又處聖祖

昔曾畱虹節兼豐喜天心以祿酬風雲賡載盛遠勝

栢梁遊

賡進 御製巡山詩韻

密邇音容悅可依
愀然三省欲無歸
雲深洞樹初移
仗露結原莎自濕衣
護寢羣龍騰列嶽
環郊萬雉壯
南畿
天公亦解遲遲意
來日知應遣雨飛

宋子大全校正訖次校正諸公軸中韻

道舒彌六合義秉邁孤竹
恭惟大老心河海深敢掬
祇今斯文痛世無傳宗獨微言
日以遠狂酗如醒宿
抱書憂諸彥葺菟功乃卜
經緯貫天地遺旨燦然復
盥手增感激奠丌互難覆
嗟哉吾黨士詳味久當熟
華城畱相書索竹竿云欲以
肥肉換之率爾戲

題

寧可食無肉不可居無竹長公千載上一語砭冗俗
公思將肉換雅意真自足我換肉不嫌詎免鄙者辱
然惟晉代士亦云不如肉題詩寓善謔助公一捧腹

賡進

御製文正公尹

煌

不祧之什

有士啓禎際高風霜凜如人推蹈海義家誦却胡書
烈烈聲名久駸駸世屬疎欣聞延祀命爰在拜壇餘
禁直消夏雜詠

父子根親愛固然君臣結義又生天從來委質承恩
日儘是靡他辦死年

大兒騎竹小兒隨聞在堂前自戲嬉記姓於吾猶足
累渠曹何必學書爲

引泉

山泉剗竹引庭除滴處成塘半丈餘好事童奴成日
課栽蒲投飯養金魚

賡進 御製題手圈諸書之什

秘閣虹光夜夜長牙籤繡軸發珍藏博文約禮元循
序溫故知新更有方猗彼朱黃霑 御墨爛然星宿
列穹蒼彙成薈蕞齊分帙拈出英華各揭綱姬制時
隆彬郁際戴編名重討論場才推班馬詞初健學到

濂閩道益章八子爭雄旗豎赤陸君畱馥篋抽緇裁
量以尺皆中度要領如衣復下裳羽翼於經追孔孟
笙鏞爲治繼虞唐須知來許承嘉惠萬世恭瞻事業
皇

賡進 御製皇壇親享日恭次 肅廟御製韻
之什

肅肅神壇裸瓚親升歌思永隰苓春東綏帝眷如重
迓北拱 宸誠喜更陳墊盡堯封猶有土瞻言周道
各沾巾尊王自是傳家法一體君臣矢世遵

聽簪兒夜讀毛詩

簪子伊吾昔不同琅琅有似入心通筠窓夜寂松燈
下烏几神清白露中風雅愧余非大手溫柔期爾獲
全功眇然猶接千年緒詩禮家聲聞海東

深喜康成有小同不教元亮責阿通葩經讀到齊風
末茅屋燈明秋樹中麕鹿擾來奔逸氣蠹魚收得作
成功須知慧悟超羣輩大雅他年振我東

病枕書僕人交謫之語

丈夫拙謀生既病乃知苦啜粥少佐味菁根半醃鹵
氣足吞全牛猶難一鷄肚鷄肚尙不得何況截與脯
妻兒但環坐和氣索眉宇賤人不擇口僕婢公肆怒

堂堂七尺身大夫官吏部緣何事曠誕生涯轉荒莽
年年數畝田未秋買新秣東隣錢如水西里米如土
容易擁旌節左右問田圃一家飫梁肉歡笑自歌舞
嗟嗟吾家公不念此貧竇傲然日骯髒與人不媚斌
哦詩髭盡捋校書首常頰聲名亦匪求自好果何補
哀我爲下者不忍舍其主朝暮厭糠糟風雪曳縑縷
耐此執供役胼胝以偃僂盼盼我所望渴於旱待雨
病枕聞爾語默然心計數爾語誠或似於理實未覩
貧富固在命榮辱多自取是以古君子秉潔勤所樹
隆汙知行藏柔剛不苟吐未必積金帛方能持門戶

使余長如此庶幾述父祖

僕走

小僕棄余走何方欲寄生多才慚穎士善遇負淵明
薄愬雖逢怒潛逃忍割情聾癡思古諺爾罪或當輕
僕自歸

怪爾徒然返應由善念生急時爲計拙窮後見機明
不返將無恕能歸尙有情慎之勿怙犯四十杖今輕
遣閒

有病除巾不出村無人載酒或敲門教兒倣寫書仍
熟從婦排閒話更溫高柳午鶯時送囀深花晴蝶正

酣魂幽居自愛生涯穩細看塔苔日長痕

雲野見寄海棠詩求和遂次其韻

國色紅酣艷態生綠房含雨細無聲嬌姿不解憑欄
語倩却東風百轉鶯

散悶溝上見落葉

霜天氣候不勝晴病葉蕭蕭墜地輕背日孤翻翔鳥
下衝風亂起瀉泉鳴遙辭故擗如無戀迴抱寒根却
有情開落紛紛何所似紅塵眼冷一枯榮

雨中閱書篋得石閒酬和諸什讀之悄然增索
居之懷信筆更次

相逢何處不相宜
雪後花前月下時
第一若論沈醉夜
雨聲疎滴碧梧枝

江外奉別仲從兄赴稷山任

江南分手罷
佇立久傷神
眼失林邊蓋
心推陌上塵
兩情元不外
一別益知真
孤露增茲感
兄行尚奉親

松生

尚憶胡僧送我行
慇懃拾子作人情
縱饒五鬣吾鄉產
頗喜斑鱗異域名
出地根芽纔分寸
凌雲意態便縱橫
世間見卵求時夜
何似茲松綠蓋成

次杜少陵巴西驛亭韻題禿城鎮南樓

山勢盤中野城根冠上峯四方因阨絕一旅劣旋容
勲憶摧蠻蠹光傳駐馭龍高秋凭短檻雲物盪心胷

紗帽詠

薄翼斯取蟬高冠更同范兩角象端拱全身裹深黶
紋紗爲品上單縠是等斬綴花爛成彩簪筆汚不黷
翩翩趨玉墀峨峨在朱檻於人爲上飾在馬其猶鍔
此物一壓頂世味交酸齟妄加當爲罪故脫亦是犯
官人猶自可木堠一何濫戴之手頻整待漏懷黯黯
好廬

二十年來無好廬養生坊裏亦閒居草侵舊徑門稀

客花近晴窓案有書老樹百尋巢素鶴澄塘半畝泳
金魚我家積世傳貧慣澹泊何妨與物疎

京口送別歸路登西城

烏紗白紵柳風輕京口烟花送客情回得小車無定
向又隨殘日繞春城

元根婦見志喜

并序

元根娶于李氏寒圃相公冢曾孫叅奉憲成
長女也我金與相公家諸李自昔互婚殆指
不勝僂而我家尤然我伯姑母暨我姊氏爲
相公孫若曾孫婦夫黨父黨均爲叔姪今相

公之玄孫又爲元根妻於我姑母暨姊爲父
黨之從曾孫若再從孫夫黨之從孫若姪三
世而互爲親矣不亦稀貴哉我家與相公家
及疎齋二憂堂兩公家休戚痛癢四家一體
然若其生女而子娶之生子而女嫁之獨相
公家累倍於兩家豈所謂天緣者在耶抑其
偏與不偏只在於人而不在天耶是未可知
也始余爲元根求儷聞叅奉有女使姊子往
謂之約一言而諾及執棗而見洵佳婦也爰
賦近體一篇以志喜

莫將婦婿較誰賢人意諧時慶自天從古兩家同地
數于今三世好因緣朱陳豈藉冰人重王謝猶無月
姥專我不將他爲頌語則斯男百又孫千

七思

并序

聖人曰吾嘗終日不食終夜不寐以思聖人
何思哉思其所思而已矣端居閉戶舒晷如
年謀所以遣憫者讀書肺勞臨帖眼苦絲管
近汰博塞近麤叫呶類狂禪定外馳惟酒與
睡可以消閒然酒旣天戒睡亦惺惺此思之
所以起也思之之法坐亦思臥亦思食亦思

行而思立而思思去思來思無方所思無倫
次無名物度數之可議無聲色臭味之可喻
然後洞然而明者如其通也窅然而暗者如
其窒也悠然而達者如其運也茫然而止者
如其懦也勃然而激者如其勇也驀然而醒
者如其聰也凝然而不動者將思而未發也
嗒然而若忘者既思而復繹也於是乎窮天
之高徹地之幽六合之廣且大萬品之衆且
細可喜而可怒可悲而可愛可惡而可驚可
欲者吾之思未有不周而亭午之曦輪已舍

虞泉矣今日如是明日又如是吾之思不罄
而悶者以疏乃雜錄其思之可以爲詩者得
若干首思之情凡七而詩之言亦七因命之
曰七思旣又思之七者陽數而大易所不取
吾道其未進歟奚吾思之與七符也庚申閏
月小望

形似穹然色似蒼爲之名也亦荒唐馭風仙子何從
見馮翼原初說得詳

搜神幽恠有奇書莊士論之謂構虛常怪高陽承少
皞地天通絕在元初

天地其何有始終沈思不到到思窮聖於六合存無論爲是能通是未通

邵子之言果信哉坐推元會晦而開丁寧天地長如許不識今經第幾回

功伐於人莫尚牛終年啓力服田疇充庖自足閒禽畜帷蓋何偏犬馬酬

獵則裘成葛谷延胡爲吉貝穀之田田間墻下栽桑意古聖人爲豈偶然

圓胡然也缺胡爲可是閤浮影許奇玉兔擣霜消息久姮娥長復住蛾眉

正宗大王挽章

聖作天惟篤胡然久道慳清河方再見邃古不重還
遠日一陽節虛雲二紀間皇皇孺子哭城闕接深山
哀慟初元詔光輝 聖祖褒人知精義在天以大艱
勞血淚枯風樹愉容醉壽桃終身姚帝慕昔聞幸今
遭

聖人素其位黃屋豈堯心禹儉勤邦克湯仁及物深
嚴恭懷朽索叔季陋零金辛苦營華意遺臣涕自淫
至化無今古 君師道並隆思凝巍蕩業力任繼開
功洄湫狂瀾息光明瑞日中斯文不墜地方策在吾

東

風雲仍盛際骨肉更深恩
寧考懋卿祖今天相後
孫沒身爲至慟在耳此溫言
木石頑之甚同人自苟
存

次錦石朴判敦丈

準源

禁直韻

畫閣抗空起登臨日每斜
粉殘經雨竹香老殿春花
睡足來看奕詩完坐點茶
會心猶有地遐想漫烟霞
小梅蓓蕾吟呈慙軒求和

靜看心到更神凝盡日忘形
几案憑生意不愁埋屋
雪襟期好對貯壺冰迢遙玉
貌滄溟月恍惚芳魂武

帳燈微爾吾誰同寂寞坐如禪
嗒萬緣澄

楓皋集
卷一

楓皋集卷之一

楓皋集卷之二目錄

詩

辛酉小除夕用崆峒韻共李甥穉圭

憲琦

賦

元日偶得絕句書贈穉教文兄乞斤政

二首

柳絮

上松園從叔父

走次寒食述懷韻遙呈竹里族叔

履喬

行閣

雨中賦短律寄穉教求石竹花

松

冬日卽事

誄往

凝坐

屏幃

春眠

獵魚寄浮亭

北亭之遊夢魂猶爽數日奔走飲暑喘喘朝來

讀履翁李尚書

晚秀

竹石徐尚書

榮輔

浮亭

往復諸詩信乎其注不盈而挹不竭也仍思
決水之偉劇更念聯詩之勝事遂用全韻爲
賦仍呈三詞伯斤正

泛露湖次軸中韻

秋日讀李供奉詩集

直廬感秋賦呈履翁

雨晴與閣僚登神武後麓

步溪至中日閣伴衛士射的漫賦十五韻呈斗室

詠史

三首

拈韋蘇州韻與石閒賦

二首

金陵郡治之南有泉飲者已百病四方還至村人苦之塞而廢之且百年李侯見心

復鉉

爲

宰之周歲壬戌大雨山澗汰而泉復焉飲者
又如初而多神效李侯爲寄一擔且貽示得
新泉詩合浦之還珠零陵之復乳其事異而
其跡同堪補昭代雅史遂步其韻兼謝珍重
之意

春雨

芭蕉拈陸韻

街上小兒謠云衣新衣食新食睡新睡成羣相
和前史謂熒惑化爲小兒造謠播之戲爲賦
此

標薪歎

絕句敬呈松園從叔父兼示申趙兩老兄

三首

寄楚亭朴齊家

斗室夜行步韻之什遂復次寄

沈僚釋教來坐松下同賦

雪夜漫書寄斗室

小晴

題徐明皋

澄修

朱書采訪緣起

九首

史局書感

陶沼種荷開一花

餅翁

大享日以先廂導駕次舍賦呈履翁浮亭諸公

觀獵魚

贈薄叟金士精

鑣

北亭會餞之翌宗伯詞丈以會席聯賦韻俯示
一篇忘拙續貂博諸公一粲

讀斗室學士夢馬詩感而次呈

坤殿祇拜 儲慶毓祥延祐宣禧四宮禮也 上

奉 慈殿同詣恭覲盛舉志喜而賦是日朝陰

晚晴

恕獐

暑日憶斯隱趙君素

學殷

月夜紀山寺前韻作

竹石和余扇詩謂類東坡復陰以呈

讀感舊集所載清陰先祖詩感而恭賦

摘院見桐孫

次士精秋懷

三首

直廬賦懷

八首

中秋賞月用坡韻

二首

聽促織有感

果川縣行宮有感 二首

遲遲臺

卞君之錚工醫能詩相識蓋數十年白首無所
成近爲食貧佐華城幕府余以奉命至持詩
以謁遂步其韻贈之

宿溫陵齋室書感 三首

栽烏竹

太古寺

秋日閉戶養疴愁軒兄暨都是春觀主人各寄
示所賦夜中無聊復取朗吟隨篇步韻俾赤

脚火急送與二公不知能不惛然睡倒也

首三

哀貞蕤朴齊家

斗室夢得一聯云直欲滿弓殲走兔幾思張網
截飛鳥書示遂足成一律仍呈斗室兼奉履
竹兩公要各足和

憶石閒

梅

閱詩藁自題卷尾

細雨

題紅碧桃

謹次內舅寄示韻

謝湖南伯餉竹筍

貞純王后挽章

急澗

燈前聽雨有懷石閒

夜吟

清夜

書香

壺亭

暮歸山齋賦寄漳叟

夜深對月

石見樓主人李見心持扇求題詩遂書以贈

雪中入玉壺作

雪止月出與菊隱李文哲拈杜

燈下述懷

二首

寒食七絕

二首

春夜宿山舍

餞春

寓警

新栽叢竹

夏禴齋夕

送晚磯之高城任所

二首

調馬次石閒

陪駕駐高陽記夢贈洪記注喜哉

起燮

奉別歇庵從兄宰寧邊之行

三首

星輶之發病未郊別懷猶耿耿歸淵弟示以寄

駟之章遂步其韻遞拜判府行軒

雪夜憶斗室山寺清坐用玉壺舊韻吟寄

偶賦

酒招花顛

泰定至書屋拈牧齋韻共賦穉圭及石閒後至
晚春到玉壺巖上杜鵑始開

六月二十七日夜

偶賦

竹椽對月次王守仁絕句

池亭聽禹伶俳曲戲賦

履翁久主詞盟今春始薦徐竹石金陵南元平

公轍

沈斗室徐南二公間日先膺除書翁喜

甚以車上口占絕句相示蓋謂不佞亦嘗謬
與是薦也

都門送道根南行

玉壺精舍值雨念道根行李遂賦絕句又次道

根華城寄元根絕句韻投示

二首

次履翁學士玉局獨坐見懷韻祈正

山半樓成

灘樵李尚書君受

魯益

宅酒後口占奉別

病枕有懷灘樵舟行

喫飭

山齋漫吟

二首

扈蹕 太廟幕中漫賦呈班中諸寮

請 安至銀臺塵埃滿室借簪拾柳令從人掃
除率占一律奉寄斗室

小軒

自到壺舍便不作詩已過旬餘午日偶聽黃鸝
率爾效放翁體

奉次伯從氏錦城見寄韻

戲爲絕句答柳記注和之

詠問病

次斗室題寄便面韻

北岸駐兵走次內閣諸公始興道上見寄韻

題李聖習日用邨居壁

二首

小亭次義民韻

費隱舍絕句

卞老訪余不值賦長律紀之爲次其韻

喜雨用舊韻呈斗室

拈嵐字呈斗室

次琶西李尙書

集斗

虛過玉壺韻

謝履翁問宅

楓皋集卷之二

詩

辛酉小除夕用崆峒韻共李甥釋圭

憲琦

賦

打窓殘雪帶風嚴
星斗闌干欲近簾
遙夜若爲心緒苦
明朝應是鬢絲添
聊將竹葉分深觴
強守梅花共短簷
磊落襟期呈醉後
欣看宅相彩毫拈

元日偶得絕句書贈釋教文兄乞斤政

堪笑疎慵滯宦名
今年今日又春明
朱顏謾逐流光改
蕭索東風太少情

藍酒傾杯薄抵寒
添來一齒亦闌珊
不能免俗聊爲

爾換着新袍趁早班

柳絮

彈彈絲間剪剪飛穿過簾幕點巾衣擘如吉貝溫無力明似蓬蘽冷有輝蝶粉搏風狂謾逐燕泥沾雨細同歸他生未了前身業池面相逢是也非

上松園從叔父

水屋道人全幅圖煙重樹密遠峰孤掛來壁上生秋色無數涼蟬噪碧梧

走次寒食述懷韻遙呈竹里族叔

履喬

行閣

江干俄凍柳海國已繁花時序嬾如此參商恨若何

東風依日域殘月共天涯黯黯思帆影神勞較別多
雨中賦短律寄釋教求石竹花

瞿麥雖纖草作花佳有餘染綃衣各別象竹節扶疎
最愛經秋日偏宜點石除知君同雅好時雨莫孤余
松

長松倚絕壁黛色入雲開偃欲蒼龍動盤宜海鶴來
三秋畱蓊鬱萬壑振風雷世乏公輸眼天年老大材
冬日卽事

成子何如人愛之比冬日乃知英俊士必具溫溫質
詠往

欲說愁懷可滿車他生未卜奈今如淒淒曉枕聞風
雨淚灑微之一紙書

凝坐

背燈初罷讀凝坐若叅禪自想無他想只緣心自然

屏幃

屏幃晝捲罷看文酒氣騰騰睡氣薰白蟻攀緣圍礎
匝黃蜂教誨鬧花羣定知一滴元清水叵耐千重更
亂雲祇是當年空費力可憎頭腦愧朝聞

春眠

春眠覺太早輾轉猶未起暗窓漸受明有如冰化水

查查向檐鵲今日報何喜老奴初警咳汎掃環庭裏
傍人勸吃茶青烟縈案几次復兒子動整衣坐讀史

獵魚寄浮亭

浮亭沈斗
室初號

大魚驚與小魚跳跳未逃時網上臯何似豐林揚烈
火勁弦開處血羣毛

北亭之遊夢魂猶爽數日奔走飲暑喘喘朝來

讀履翁李尚書

晚秀

竹石徐尚書

榮輔

浮亭往

復諸詩信乎其注不盈而挹不竭也仍思決水
之偉劇更念聯詩之勝事遂用全韻爲賦仍呈

三詞伯斤正

觀決須先壅束薪兼土扛山腰纔截脉壑腹頓添腴
捍拒雖頗力衝奔不肯降董功趲韎服候信坐油幢
未罄三巡酌強過數丈杠盤洄初泛檻吼怒漸喧窓
始哂蟻穿穴俄驚酒瀉缸迸沙靡柝汰石及蘭茝
騰馬疑胥廟驅龍想禹邦眞爲垓下潰誰禁鴻門撞
疾似黃間箭縱如冒頓馳走崖夕虹飲激竅鉅鍾撓
急打樓掀礎餘威野塌缸偉哉駭耳目爽欲滌腸肛
勢驗伸由屈俗嗟競失厖丸勞函谷塞財散大盈椿
頓足漂衣女狂嗥睡岸狔增高休讓壤繼曜尙燃缸
行潦元其類呂梁此忽懣壯思沈壘堞輕擬放舫艘

洞外應愁厲林中暫斷罇雨懸練光白雷轉鼓音逢
久速時隨變乘除理必恠緩流終到海平地莫成江
攬景頻傳罽聯襟各訴腔雅操憑笑傲善謔雜謠哢
千頃那撓濁通津亦入灕筆奇秋落鵲詩巧鬼雕珏
却惜殘暉暝猶聞遠澗淙徘徊携短策怊悵出空谿
浮世誠多缺斯遊幸少雙願君存盛滿令德處崇龐

泛露湖次軸中韻

廿載重登露渚船名亭檜柳尙依然江山有約君藏
酒魚鳥親人我樂天帆拖晚簫仍泛泛風飄醉袂故
僊僊世間缺陷從今悟不妨疎燈代月懸

秋日讀李供奉詩集

菊露盥秋夕精華泛古編
筆驚光日月眉憶氣山川
鬼泣蘇臺夜鯨飛采石烟
白雲歸不盡天地此茫然

直廬感秋賦呈履翁

西景易流徂丹葉鳴遐心
停雲結悵悵我友在東林
茅亭僻以潔幽賞茲焉深
兩歲起領賦所治非所欽
殘秋引告臥畦菊映寒岑
圖書擁坐清兒子商古今
夙昔掛冠志應成歸去吟

雨晴與閣僚登神武後麓

秋雨苦夜長不期山日曉
理屐涉西園空碧似圓沼

黛翠忽逼座南山延樹杪遐心屬歸雲出樊慚高鳥
愛此林壑幽緬憶江湖杳倚松發清嘯聊以舒悄悄
步溪至中日閣伴衛士射的漫賦十五韻呈斗

室

交冬木葉脫山氣宵以漠豹直少所事飯畢步林脚
午煦溫可愛空原噪鴉鵲一思調臂力彈弦試強弱
衛士來肄巧十耦不待約指矢對墉立審勢乍前却
揚樓不在皮纔送旋悔忤緬彼由與羿百彎無虛拓
如何我志穀箭箭去自落諒異器不精亦非力不若
兩手邈不從尾輟反首作試復求諸身茫然昧所度

譬如愚人事渴急始并鑿置置且休恠工習非素著
不如歸繹心抱書臥高閣

詠史

漢祖生豐日周王獻鼎年循環元有理崛起豈徒然
歎冷窺宮際捫間伏弩前蕭曹眞幸耳攀附亦由天
卿子軍中第三將霸王營裏一元功風塵忿死彭城
路依舊居巢七十翁
八年心計入毫絲財賦猶安漢室基堪笑千秋史弘
肇徒云槍戟勝毛錐

拈韋蘇州韻與石閒賦

枕藉羣書裏居然忘日永客來山色濃鳥過花枝靜
入耳少俗語棲神多悟境興發獨涉園不省冠不整
拙者巧之本靜乃動之始聽天亦已久衆慮伏不起
家世長澹泊仕宦昧生理寤寐厭紅塵神遊每山水
嘉客茲焉顧青眼對酒喜羣花方競吐佳樹綠未已
爾亦寡求者寧不處我里

金陵郡治之南有泉飲者已百病四方還至村

人苦之塞而廢之且百年李侯見心

復鉉

爲宰

之周歲壬戌大雨山澗汰而泉復焉飲者又如
初而多神效李侯爲寄一擔且貽示得新泉詩

合浦之還珠零陵之復乳其事異而其跡同堪
補昭代雅史遂步其韻兼謝珍重之意

泉還金浦郡靈異百年聞太守有清趣軍持勞遠分
入脾消伏火洗目撥輕雲鍾乳零陵事吾慚子厚文
春雨

春霧濕如雨春雨密於霧泱泱釀春氣崇朝復竟暮
植杖望南山失却山頭樹磬折循幽砌新矚多所遇
花跼與艸芽潛腴以迸吐天德本如此冰雪往何故
曠然宇宙內頰仰豁襟素

芭蕉拈陸韻

一種靈苗似木非高荷脩竹襯心期綠羅倒卷橫頭
軸青鳳低垂勿脚旗檻外晚風徐可愛枕邊秋雨急
還奇栽來好助山家韻長遣幽人日覓詩

街上小兒謠云衣新衣食新食睡新睡成羣相
和前史謂熒惑化爲小兒造謠播之戲爲賦此
喫着和眠蓋切身衆生心裏要思新衣緋孩子休饒
舌依舊那無守分人

標薪歎

牛馬雜輸載標薪蔽巷陌歲時價自踊一馱過錢百
赭來山減青黔得埃如墨城中五萬家誰不朝哺食

日日灰不盡方知天地力

絕句敬呈松園從叔父兼示申趙兩老兄

人隨明月月隨人顧影行歌踏四隣踏到松園茶屋
下古槐清露滴衣巾

一回歌徹一回簫坤也風流却此宵生性不曾通律
呂只耽餘響裊晴霄

金光火酒磁壺寬血色水瓜晶碗寒蒸肉醃菁滋味
具軟梨栗棗雜甜酸

寄楚亭朴齊家

河豚膩減葦魚香峽郡春歸蕨筍長公館人稀清似

寺栗畱聲裏夢應涼

斗室夜示步韻之什遂復次寄

搗門有急響，揩睫回冥漠。讀君寄答詩，工妙趁韻脚。
方信玄圃客，尋常用抵鵲。拔藩直據牀，賓強壓主弱。
請合晉鄙符，曰如懷王約。偏師逼長城，鋒銳誰能却。
走壁思煩逃，刮席懷盆怍。嬰兒弄懸弧，蹶張非所拓。
銅瓶瀉一注，敢比銀河落。我輩幸神貺，少小有顚若。
笙鏞及塤箎，間奏亦迭作。同乎兩無喜，異非相猶度。
是以言易入，入心如窾鑿。世若無子眼，我詩安所著。
迺知子大筆，以我故不閣。

沈僚穉教來坐松下同賦

搔首相看古柏陰
憐君嘔血爲新吟
萬緣花落東風盡
一夢香清午日深
未有吾曹關此世
惜無前輩見如今
那知短席蒼茫話
還是浮生幻妄心

雪夜漫書寄斗室

林園雪似去年紛
此夜無端又阻君
剪燭思題新賦句
探箱先檢舊貽文
依微竹影生殘月
澹泊梅心試凍雲
紙帳熏爐應獨臥
若爲壺裏共成醺

小晴

巷口泥深斷送迎
春茶靜試石泉清
晚來曳屐東園

去芳草多經昨夜生

題徐明皋

滢修

朱書采訪緣起

濬哲文明上聖姿
先王事業闢淫訛
嗚呼大矣尊
朱訓未習其書未可師

門人編輯尙多非
全集流行善本稀
天祿校書終未
易中朝發歎每依依

星馳駟騎下
宸翰賜與寧邊府
使看左海朱書須
一統汗青頭白莫辭難

鳬舄携來換使檐
行求閩刻與吳籤
誦詩三百非無

可絕類超羣未若髯

此語本出武侯與關壯
繆書而徐公多髯故云

朝鮮學士汝琳徐海內歐陽紀尚書

紀尚書方主文柄時人皆稱海

內歐陽云

日下雲間真好對座中談笑見襟虛

慟哭庚申夢也疑天傾地坼此胡爲煌煌志事無窮恨未卒于今詎止斯

數頁編成采訪因一回書了一霑巾明皋寄與楓皋

讀俱是含恩未死臣

紫衣催索扇頭題手札緘中副本齋

明皋除副使日先王下手札命

賤臣書朱子感興詩於御札頒示

尚記林窓恭讀罷蘋

婆樹外夕陽低

細匣端端貼絳箋箋心書目字奇妍誰知感結恩頒

日便是增新舊慟年

紀尙書所寄朱書兩奏今春
賤臣並蒙恩賜敬拜書屋

史局書感

恍似蘭臺舊筆簪一弓竟了一沈吟廿年滾滾過無
幾萬緒依依想更深日用曾誰知帝力雲空始得見
天心鋪張失實猶餘罪才薄先慚未報今

陶沼種荷開一花

一泓陶沼綠於江交葉團團賽翠幢莫恨花開看太
子如人獨立本無雙

餅翁

井序

餅翁古之賣餅者也始爲餅朝暮歌於戶人

贈之錢萬後過其室歌聲不作恠而問之翁
曰本領漸大心計轉麤翁之言然矣嗟乎今
人誰非餅翁也余亦一餅翁也居家未始不
閒閒然出身亦未始不閒閒然既而稍稍慣
於名利則逐逐然汲汲然不知其始之有閒
閒然也彼翁者只知其爲累而不知所以去
累此餅翁之所以不過於餅翁歟士君子不
可以不知此噫

餅翁初賣餅持狹心自裕所以當戶歌聲出無朝暮
一朝得多金冉冉成家具何慮及舊歌汨余散而聚

古今非兩翁用心異所遇嗟乎幾餅翁此理庶省悟
大享日以先廂導駕次舍賦呈履翁浮亭諸公
孤懷難借酒杯消咫尺羣公萬里遙仗外璜聲猶昔
日幕中燈影奈今宵誰憐惻惻勞懸仰苦斷仵書慰
寂寥臥聽行間兵子語渠能同隊互招招

觀獵魚

舒暢因王役秋江十日晴揭篷看罟入飛櫓逐漁行
縠縐圓波沸銀跳閃暈明收場論得失同是世間情

贈薄叟金士精

鑣

萬死還能剩一生老天難道是無情
柘楊撈掠心猶

壯嶺海冰炎體自輕今夕何辰重握手前塵如夢各
沾纓十年飽盡離憂苦燈下忽忽未足驚

北亭會餞之翌宗伯詞丈以會席聯賦韻俯示

一篇忘拙續貂博諸公一粲

昔我輟侍從特縻行臺俸少年賦壯遊羣公侈美頌
仲冬冠蓋走積雪川塗壅石山架插筆烟樹波汎葑
關雄滄海並陸鉅長天共量谷動駝馬漫墟散羆棕
胡女艷自好蒙奴悍足恐色色堪駭眼物物稱適用
別是弭心恫只恨無地訟老天長瞢醉驕子久褻統
世入腥褻冥義絕麟經綜傀儡上廟饗乘輿親佛供

暴物偏錦靴慢戲像漢幃側耳靜聽我抵掌爲君誦
四海廣幅員偉人多褐縫應有謳思漢詎無字隱宋
否泰由姤復江河亦汜灘長夜會復朝沴氣豈恆冢
市藏擊筑徒野遺讀書種會心如有遇揚眉談可縱
穀日良讌會芳僚錯烏韞灑松颼吹簪涉澗流濺檻
才敢珠摘驪韻如秦據雍嚙語當贈策酬君椽筆重
讀斗室學士夢馬詩感而次呈

子告我夢夢維馬問馬何在云在野野復何鄉子胡
適子不能對但啞啞牝牡力色子不知驥騏驎螭誰
定價以指喻指太模糊周周蝶蝶奚疑也憶昔燕臺

求駿日散盡黃金遍天下朽骨呀然猶見貴况子權
奇真汗赭上凌崑崙下渥洼目光如電雲生蹀一朝
絡來天閑裏條革冲冲金鏤銙開元鹵簿三萬匹玉
驄迥立儔侶寡嗚呼是夢是非夢欲說先哽且姑舍
子旣記夢爲歌詩細可聽我和之者子不垂竿向漁
磯亦不持經入蘭若到處罵座次公醒一生披髮中
散冶上天與口兼與手口能哦吟手杯把子喜我狂
許我心比德於稷將爲社少小相逢今老大開戶拓
渠容輸瀉竹館淒淒鳴夜雨三復瓊琚剔燈炮萬事
駸駸自不了一身齷齪竟乃假藤床輾轉眠未得臥

聽街鼓五更打我雖無醉亦解嚙橫豎叢雜從君寫
坤殿祇拜 儲慶毓祥延祐宣禧四宮禮也 上

奉 慈殿同詣恭覲盛舉志喜而賦是日朝陰
晚晴

蹕路清嚴花正深香風度陌引韶音 四宮祇拜徵
於古 三殿同行盛矣今雲合已符交泰象天開復
仰大明臨魯家令壽騰佳祝萬姓欣欣只一心

恕獐

并序

麾下騎獲一獐來獻置之圃中數日頗擾狎
吃花卉殆盡意甚苦欲逐之忽有所感于中

遂賦詩以自廣命曰怨獐

獐來自何處吃我園中草花莖連菜笋日覺稀且槁
爾性藉此生非故爲顛倒奚異是人心憊稷黍梁稻
欲禁俾勿犯性命端不保欲代與以飯民天重貝寶
復思逐如何久已依我好有茲不可三令我起恨懊
恨爾初獲日山林放未早歎息今已矣任他吃如掃
如掃不足吝須慎獐也惱

暑日憶斯隱趙君素

學殷

夏日雖可畏農夫衣有餘冬日雖可愛凍殺多窮廬
易知固如此人見復相疏常恠山中友從前每語余

寧逢墮指苦不願洪鱸噓洪鱸噓不曾君身豈有初
况彼芳樹蔭偃仰通四虛清風穆然至歡情自解裾
破屋積冰雪僵臥問何如

月夜紀山寺前韻作

舊夢寺鍾斷新晴宮月高天光開正面雲氣失纖毫
燈點孤龕火松奔萬壑濤向來一回首悄悄况心勞
竹石和余扇詩謂類東坡復嗟以呈

學古譬則射巧不專主皮子與余慕蘇蘇請嘗試論之
子能竭目力余乃以矩規子已飽佳饌余未厭藜藿
子有宮牆仞深高余莫窺子有音濩韶蛙爭余鼓吹

非余心屏營子才實神爲信美顰自西無螭舌徒儀
理當汗流趨望塵擁帚箕何勞謬承獎夢想不期茲
讀感舊集所載清陰先祖詩感而恭賦

澹雲微雨小姑祠菊秀蘭衰八月時先祖風流攀不
得孱孫徒誦阮亭詩

阮亭有果然東國解聲詩之句

摘院見桐孫

伊昔孤根已伐琴孫枝磊落又成陰溪聲瀉盡年華
去怊悵東樓日暮心

次士精秋懷

不願長醒不願酣也曾嘗苦也曾甘行藏自信誰詹

尹感興偏多似晦菴少日芬華嗟莫諫深秋礪磊最
難堪鍾鳴漏盡須臾事恨殺人間幾好男

融而爲水結爲山如智如仁着兩間瞻彼截然常自
在云何逝者更無還人生忽忽同蜉寄今古紛紛一
豹斑極慮窮思無了日蒼茫宇宙竟誰閒

無語成癡有語狂胡灰胡鐵此乖腸酒醒童睡葉侵
戶夜冷書殘燈照床貧賤可羞廉者殉形骸雖近達
人忘眼前尋出如繩路只顧行行莫少嘗

直廬賦懷

并序

頃愍軒賦古詩一篇屬近日從遊諸人大抵

倣杜子美飲仙詩辭麗而古情篤而真余屢
欲和之恐其效顰而續尾也不敢滋筆逮分
司豹直文酒之會阻且半月慨然興念遂賦
八律各屬之云

吾兄真大器四十授童蒙閭闢行無間藩籬拓自雄
須知霜柏翠不比雨花紅安石臥山日懷名若老終
骭髀安天宅勝冠已有名人間少公道五十尙諸生
黃卷遐心在青雲樊屣輕顓蒙多所賴磋切見高情
君家大元帥躍馬事殲胡天道乘還除雲孫雅且儒
塵埃懷楚璞談笑露冰壺詎直門楣重松滋卽柏腴

余愛直而溫賢哉寤老孫通家猶細故投契在微言
玉性燒逾冷筠操雪乃尊相期保明德皓首永無諼
有客於斯世吾常不測云眉眸李長吉名字鮑叅軍
抵死甘爲酒忘生苦學文賢愚姑且置大槩出人羣
彼美歸玄子風流席上珍芝蘭姿暎世珠玉語驚人
長嘯嵇康憤蹇驢孟浩貧窮途須自愛蠖屈會當伸
吾家名士叔器宇衆咸推腕下無凡畫胷中有古詩
驥蹄穿駕鼓鸞翻瘁棲枝連抱終須用良工適不知
少小無耽好方人或率然車裘思共斲瓦玉愧俱全
有道貞居俗長源誕說仙永懷千載上歎息撫陳編

中秋賞月用坡韻

漸近黃昏碧落晴
晶輪初湧海雲生
澄光直遍恆沙界
秋色先歸白玉城
中若有人應自好
外他無物可將明
一天之下同今夜
偏似堯民就日情

良宵穆穆不勝晴
萬古寒光咫尺生
風雨洗來冰作轍
山河籠盡玉爲城
華凝宿葉繁霜動
影落空庭積水明
怱悵終南往年會
傍人誰識倚樓情

聽促織有感

夕涼忽何自促織當戶鳴
聽此起怱悵歲華亦已傾
歲傾尚有繼一老人不更颯
颯金颯動迢迢銀漢明

相對默無語難爲秋夜情

果川縣行宮有感

先人分竹歲 車駕拜 園行供給忘衰病勞嘉荷
聖明湖弓小臣慟風樹鮮民生空館泫然淚難爲此
日情

敢忘持服見尚記望塵行慢瀆知臣罪優容賴 主
明祗今疑夢寐誰與訴平生佇立 雲鄉近徒深薜
蟻情

遲遲臺

遲遲臺下暫停輶衰草寒烟屬暮秋望入層城如畫

處不知何事淚先流

卞君之錚工醫能詩相識蓋數十年白首無所
成近爲食貧佐華城幕府余以奉命至持詩以
謁遂步其韻贈之

京洛分張問幾時殘秋邂逅彼汾湄卸鞍未了相思
話肱篋先探得意詩窮被饑驅蓮幕冷老猶醫擅藥
方奇眼前飄蕩君休歎柳下陽平豎子知

宿溫陵齋室書感

懸裙秣馬至今悲天意茫茫不敢知休說漢廷嚴博
陸尋常故劒奠坤維

右述溫陵故事

騰龍矯矯舞鸞迎伊昔何人此卜瑩二百年餘終有
慶天心地理兩分明

右詠 溫陵形局

慈父之親師道尊鄉書講罷誨嘉言當時童習仍頭
白此地重來媿負恩

右感伯父齋直訓誨

栽烏竹

去年牕下栽烏玉數層敷葉婆娑綠短細未堪釣竿
斲何能作陰消暑旭秋後行鞭始屈曲經冬雪水穉
根沃怒苞何當森似束脩脩盈耳翠盈矚譬養嬰孩
情自促老憂日月來不足不足不用憂相續只此茅
堂已免俗

太古寺

義相開山祖宗風聞少林秋牕如聽偈晨磬悅傳心
寺古峰相守僧寒雲與深低回祇樹下哀壑但清吟
秋日閉戶養疴慙軒兄暨都是春觀主人各寄
示所賦夜中無聊復取朗吟隨篇步韻俾赤脚
火急送與二公不知能不惛然睡倒也

涼颼瑟瑟動緇帷牢落秋懷燭影知病眼伊來妨對
卷機心自去懶看碁縱饒社友譚中趣偏奈年光酒
後悲度世無如詩句穩千回酬贈莫須辭

誰遣名韁絆此軀紅塵事業遜宏儒安隨牛馬無閒

徑虛擬鵬鵬有壯圖暇日怡情餘筆硯中年記夢半
江湖潘生鬢髮蘇郎恨休對秋風較舊吾

右次慙軒韻

視聽與憂樂生性一付詩四十工未就苦心空自知
右次都是春觀韻

哀貞蕤朴齊家

舊園松鬣尙蕤蒼樹下伊人影底忙詩會白蓮儀可
想車迎金水諠難忘觀風儘是驚吳札在綬應非損
冶長前月城東何石墜或人疑汝小文昌

斗室夢得一聯云直欲滿弓殲走兎幾思張網

截飛鳥書示遂足成一律仍呈斗室兼奉履竹

兩公要各足和

花開如昨忽飄梧斗室幽人夢打愚直欲滿弓殲走
兔幾思張網截飛鳥分陰當是凡人惜至道元非此
世無究竟兩儀還一瞥不要怙悵雪侵鬚

憶石閒

宛然不待思殘臘冷生涯雪積山逾晦家貧梅更遲
七旬榮啓樂萬首陸游詩朗月冰溪滿凡人那見知

梅

朽槎詰屈軟梢長萼破微青蘂淡黃漢水人歸春却

早孤山鶴返月初光深知淨體能離色更覺妍姿不
在香白屋朱門渾不別看他和我一心腸

閱詩藁自題卷尾

寫成詩卷復披看慚愧頭巾氣腐酸焉得崑崙冰雪
水洗來叢雜剩清寒

細雨

及此來靈雨東君發育時春陰渾覆野花信不驚枝
洗雪梅勻頰沾烟柳淺眉倍人田叟慶陵麥卽看滋
題紅碧桃

紫蘂烘似燭素英冷於霰此心已全寂樓下尋常見

謹次內舅寄示韻

小亭茅結澗之濱朝暮奇峰恰對人只恐餘生忘在
壑非關浪跡欲離塵高松落落畱霜操虛籟泠泠養
谷神幾日真能歸去得故山猿鶴與爲隣

謝湖南伯餉竹筍

珍重湖南伯憐余病少藥遠勞玉版師解脫因緣惡
貞純王后挽章

鷄林綿毓慶 聖祖續文祥關葛洋乎頌絃綖展也
章折奸贊帷帟翼嗣奠 宗祊千乘奉長樂九如祝
未央嗚呼年湮灘崩圻慟蒼黃周展未堪難女堯于

有光陰功旋厚載宏度則乾剛義揭森星日仁包並
露霜蕩邪抑洚水憂世導康莊至善入黎庶苦心勤
聖王撤儀先甲子斷志出尋常盛德摸誰盡神機斂
若忘旃蒙回 寶甲景福擬瑤觴纔報雷歡動翻驚
雨泣長欄花何渺邈社飯劇淒涼鏤玉悲追舉椿金
感豫藏 靈辰當季夏殷耐叶周岡冉冉城闔遠悠
悠旌翼颺練裙嗟永閔彤管獨餘煌鹵質慚殊渥哀
吟幾擢腸

急澗

漂沙激石勢難當一瞬將奔萬里長縱使安流應到

海狂號怒觸爲誰忙

燈前聽雨有懷石閒

秋雨無端緒
傍昏過苑城
淒淒簾外氣
歷歷枕邊聲
野屋應經漏
書燈自照清
那將今夜意
說與故人傾

夜吟

寒暑循環久
悠悠又一回
始終何所紀
生老此焉催
河漢晨光濯
梧桐夕吹哀
端居驚節物
遙夜獨徘徊

清夜

切切沈沈絡緯聲
金波涼曬露華明
殘炎宿雨渾無
跡依舊人間碧落清

書香

畫靜繙古書幽幽聞紙香此香非沈麝亦異燒都梁
鷄舌與藿納瑣俗那足方惟有滋畹蘭其臭殊凡常
我思紙載墨歲久尚吐芳况乃讀書人英華漬肺腸
勸君試細嗅古書不可忘

壺亭

自愛青山宅何煩綠野堂烟巒千古色雲峽四時涼
石徑林楓合松門澗水長衰痾無外事終日淨書香
暮歸山齋賦寄薄叟

溪舍初廻紫陌輪手書佳句寄前隣山中自古稱弘

景谷口于今有子真世事蒼茫雲逕逕年華迢遞水
粼粼得閒時便傾樽去林下相逢少可人

夜深對月

碧宇無雲列宿殘一輪高照五更寒人生磊落應如
是畱與光輝萬古看

石見樓主人李見心持扇求題詩遂書以贈

削竹以爲骨摺紙以爲皮搖之風自生遂以扇名之
亦有紈素製圓好如月規復有種種名白羽及蒲葵
一樣能召風其妙不可窺謂風在空裏無扇亦清吹
謂扇始生風風自太空爲謂空須待搖空未有形儀

復謂搖方可何不去簞箕是莫勞思議辟暑功在茲

雪中入玉壺作

山雪曉來深山庭雙屐沒童言玉壺樹樹樹天花發
花發被風吹凌亂舞飄忽授簡詫工麗映書哀孜孜
前哲伊可懷奈此精思竭西嶺騁遠矚中情搖兀兀
安得御風術汗漫窮碣渤步步惜瓊塵一曲一回歇
不有杯中物何以瀉鬱勃曼聲詠招隱遠答山木伐
山中與山外初非秦與越有志胡不就令我空咄咄
雪止月出與菊隱李文哲拈杜

山中看雪月光氣共平分積素臨無影凝寒上切雲

渾然忘色觸寧可得聲聞良夜如今少詩思故不羣
燈下述懷

悠悠穹壤念先人詩禮傳家及此身未敢隨他求介
福都無才德愧君恩

童蒙傲習畏吟哦何限光陰夢裏過今日苦無傳爾
物竄金或恐較經多

寒食七絕

常年二月逢寒食舊臘雖寒必見花卻到今春渾不
驗非天卽老曆應差

番風不斷打窓聲獨抱殘書耐病情惟有東園墻畔

柳強飄金縷作清明

春夜宿山舍

獨來山館宿幽抱向誰傾
不見淹新句云亡感舊情
春寒花似禁雲薄月知行
一穗書燈在無端抵五更

餞春

夕陽迢遞度亭顏共惜春光盡
此間去自無蹤流甚
水愁如可量疊於山空枝蝶夢應
疎冷密葉鶯音已
等閒頭上片雲看漸黑東君何苦
雨中還

寓警

鶴隨鶴爲羣魚逐魚爲隊
飛潛各有性求類不相背

問余何所思人與人相對君子重所好婦人問雜珮
小人詒如蜜白沙泥間在子濯兔尹佗令音昭千載

新栽叢竹

樨根不自立植杖相撐持石壓迸應苦檐低過莫疑
且多風雨閱寧復雪霜辭童子慎無拜幽人情結茲

夏禴齋夕

龍旂承大饗清廟肅朱扃漢寢月遊道堯墻午暑
亭告充齊象笏肄綴振翬翎吉慶瞻釐室光華感配
庭

送晚磯之高城任所

勾漏丹砂未了緣
鳥鳬遙向海山邊
爲官但得如君散
亦合人間喚作仙

騎驢到郡更奇情
一部楞嚴袖裏輕
也識秋來榆帖月
空華兩了見心明

調馬次石閒

華館春生卉木萋
金鐙橫鞞繡韉齊
衣黃太僕鳴鞭出
一一翻騰碧玉蹄

陪駕駐高陽記夢贈洪記注喜哉

起變○并序

昨於高峰掾廳夢遇喜哉相勞撼頓之情因
問畫停時何因速
嚴旨喜哉憮然有答覺

不可記喜哉良久忽謂余公盍上玉壺去乎
余笑答之然亦不詳其何辭念是夢無奇實
奇亦莫甚遂攬衣啓窓而坐作古體詩記之
投喜哉兼示翠微申仲立

在植

并乞俯和

子珥筆侍從余屬鞬前驅可望不可親參與商各隅
夜知同館宿復不相須耿耿久未發中心但踟躕
倏爾覲子面却過平昔娛余乃慰賢勞子亦問鄙軀
語次及嚴旨憮然見枉敷有間子謂余公可上玉
壺余笑致答辭欲記還模糊一聲行殿砲如蟄聞雷
蘇惺惺神自回余臥子則無輾轉想所因是夢胡爲

乎彼闌山中舍子愛余不殊得非如是故兆夢結區
區亦未知子夢有如此相符爲詩煩問訊慎莫謂余
迂

奉別歇庵從兄宰寧邊之行

伯氏言歸仲氏行春鴻秋燕也關情如何天意壺中
舍長遣人思一箇兄

滿千除二百餘程去去遙遙鐵瓮城風順猶然吹不
到耳邊雙絕笑啼聲

孤露吾生鮮季昆看同手足荷推恩近隣猶繫平常
恨一望天涯况斷魂

星軺之發病未郊別懷猶耿耿歸淵弟示以寄
駟之章遂步其韻遞拜判府行軒

執幣君辭白玉階鳴珂我踏軟塵街依依暮樹停雲
斷落落秋空滿月佳中歲那禁安石惡清風不盡仲
山懷北亭林沼閒多日無賴朋樽酒若淮

雪夜憶斗室山寺清坐用玉壺舊韻吟寄

金地飄花玉剪紛奇觀一夜正輸君森然檜栢皆神
物倏爾山川摠寶文天意丁寧晴與月詩魂澄澈冷
和雲禪窓掩卻推還幾楮拙燒紅可代醺

偶賦

園羅佳樹樹環亭几席清幽硯墨馨盆出新荷憐卷
紫巖畱孤竹喜還青高情自有招朋酒長計除無教
子經白日遲遲黃鳥倦微吟淺睡駐芳齡

酒招花顛

釀得練光亭下水西州名酒說吾東甕香瑪瑙如聞
滴盞薄琉璃怕漏紅恰好開樽當素月須看入髓散
春風山齋近日醒無伴除是花顛誰與同

秦定至書屋拈牧齋韻共賦禪主及石閒後至
醉後謹叟發態頻桃間杏底落簪巾誰教谷鳥偏勾
我未必河豚定死人一刻抵金前夜月千家如畫北

山春風風雨雨休相惱惜此花心等惜身

晚春到玉壺巖上杜鵑始開

紫陌桃花已破紅亭林纔吐杜鵑叢山深莫較春光
晚差喜秋來早見楓

六月二十七日夜

悠悠夷險到華顛伏枕山齋憶逝年萬事人間惟有
淚明朝又值泣弓天

偶賦

迢迢殘暑去肅肅爽颼來露惜林蟬拙雲思野隼才
無人逢載酒多病妨登臺儉歲疎經濟陶盆理菊梅

竹椽對月次王守仁絕句

光陰悠忽醉醒中
幾得冰輪掛太空
上下弦間纔十日
請君除却雨兼風

池亭聽禹伶俳曲戲賦

禹家唱曲今第一
謔浪排調供科白
細語娓娓閨婦
嗔抗聲直上凌空
碧麗如落花流春
風急似將軍冒
矢石舌根有喉
喉有神翻腔度曲
妙無敵池閣不知
林日昏煩襟滌與
乘軒客雨點腰鼓
寂然收孤雲冉
冉青山隔下階
扶醉重回首尙疑
餘音繞四壁

履翁久主詞盟
今春始薦徐竹石
金陵南元平

極寒集 卷二

公轍

沈斗室徐南二公間日先膺除書翁喜甚
以車上口占絕句相示蓋謂不佞亦嘗謬與是

薦也

愧於名祖作雲仍裘未先成治詎能祇喜文垣新日
月周天度內却更昇

都門送道根南行

都門送出思茫茫遮眼南城一帶長旋馬猶然頻自
顧可憐吾亦已衰腸

玉壺精舍值雨念道根行李遂賦絕句又次道
根華城寄元根絕句韻投示

山雨暮更急蕭蕭山葉秋有懷千里遠耳目摠爲愁
千里途苦遠離思當暮秋聊知汝心苦不獨行邁愁

次履翁學士玉局獨坐見懷韻祈正

奎瀛并武處班頭僚友情深二八秋百折羊腸吾未
了千遭驢跡子宜休後人應說金張世前史畱傳李
郭舟珍重郵筒來玉局清風吹滿竹間樓

山半樓成

剪去樛松三兩根一間樓起屋西垣鷹峯出迅平看
挹龍瀑流低不聞喧坐似樹顛猶穩處名之山半蓋
夸言那無善頌期來許行簡居高我則憺

灘樵李尚書君受

魯益

宅酒後口占奉別

子云座無我有酒不知歡歸棹爲誰促離樽送客難
江空秋水永峽絕暮雲寒莫漫憚來往曹溪須共看
病枕有懷灘樵舟行

天氣連朝好孤篷可穩行遙知豆滿過已望龍門生
歸鴈拖江影眠鷗識櫓聲古來乘興客溯峽愛秋晴

喫飭

并序

夜中偶吃飭飭素嗜也信手戲墨偶爾成篇
古人惟坡公喜爲此游戲文字非後人凡士
所可企望不知坡公天賦定如何而嬉笑怒

罵可皆入詩也

少小嗜甘老難忘最愛冬天喫飴餠今夕何緣致兩
筐秫麻雜製並京鄉不須流涎費商量食指先動探
豆霜一片二片片圓方入口如雪見春陽焦燥捩頷
或難當濡軟膠牙亦何妨侍者朶頤眼更瞠任汝目
我爲甘狂噉梅范旺足見強食酒淳髡元自張天生
萬殊各有長方朔侏儒蓋異糧曾皙羊棗周文菖屈
到芰荷魯叟薑彼猶賢聖與帝王却比膾炙偏所嘗
我喜此味得中央穀精凝膏勝蜂房養胃止嗽功莫
良矧我吐痰由膈涼長夜夜寒客散堂攤書無眠倦

上床此物寧可不在傍在傍寧辭取充腸慎勿思偷
啓吾藏爲告秀亭如是詳更恐嚇也學飽颺却飭鄭
尉事嚴防

山齋漫吟

翠微朝挹坐常曛無語閒看出谷雲生性偶然耽習
靜不煩人勒北山文
山風吹徹臘天曛子夜寒空絕點雲仰面不知星斗
故云何有此煥乎文

扈蹕 太廟幕中漫賦呈班中諸寮

廟門深穆穀朝通冠珮洋洋會辟公赤日晴浮仙仗

外紅雲遙駐蹕聲中賈生論鬼應承渥卻子敦詩漫
揔戎咫尺蓬瀛人自遠青油疑曬引舟風

請 安至銀臺塵埃滿室借簪拾柳令從人掃
除率占一律奉寄斗室

堆塵乍踏沒靴縫塗炭朝衣愧古風未必今人皆仲
舉何妨此地有林宗千金敝箒真當喻一片濡柳竟
試功報與蕭園老太史能無噴飯笑龍鍾

小軒

小軒納青山雲霞生枕席思復袖卷歸着我海中石
自到壺舍便不作詩已過旬餘午日偶聽黃鸝

率爾效放翁體

忽聞隔葉黃鸝音春日遲遲山更深拄杖客來憩幽
石澆花奴去眠芳陰巖泉試茗韻於酒谷籟入松諧
似琴地僻自然少俗事百年誰復賞余心

奉次伯從氏錦城見寄韻

埃未黔生便欲歸應思仙舄化鳧飛棲遲吏役眞緣
業驅逼人情是飯衣五夜山中清夢遠三秋海上素
書稀愁來悄悄看時物霰着梅梢雪打扉

戲爲絕句答柳記注和之

詠問病

日日東風吹今朝吹更好自憐多病身生意不如草

次斗室題寄便面韻

北山山氣曉來新，層疊樓臺擁紫宸。
苑裏輕寒猶料峭，池邊淑景乍氤氲。
可憐送臘迎春候，恰似成童未壯人。
退食委蛇青瑣晚，朝看溝柳映粼粼。

北岸駐兵走次內閣諸公始興道上見寄韻

歇馬沙頭眼始寬，浮橋晴日媚朱欄。
三軍猥屬前驅重，一路恭欣大駕安。
鳳翥亭瞻天上迥，奎華班憶昔時團。
丁寧寄與諸公語，真箇旗竿愧釣竿。

題李聖習日用村居壁

碧梧桐樹櫺籬前，下有青青出麥田。
春望最宜山觖

處西屯水色繚如烟

話舊談今意更新青蔬白飯味逾真入都休憚相尋
數斷不疑君是惡賓

小亭次義民韻

心隨地僻自通靈隱几悠然坐小亭除却憑欄無可
處白雲閒鎖萬山青

費隱舍絕句

悄悄西嶺月照我精廬角露重巖花落夜深人未覺
卞老訪余不值賦長律記之爲次其韻

撩人風景暮春頭客到空庭成獨遊偶聽鸝音林外

去寧期鳳字壁間畱洞雲溪日晴相映山氣園香暖
共浮彩筆揮時應得得虛舟對處謾悠悠

喜雨用舊韻呈斗室

陰陰慶澤布無涯物不春期雨不違新水塘憐魚呬
戲細泥芹好燕銜歸買花山客思還苦種秫隣翁計
豈非未老得閒今世亦及時行樂古人稀

拈嵐字呈斗室

尊拳鷄肋政何堪礫後糠前視薺甘苦汝酒兵常逐
北慚余詩乘未司南隔林碁局移清晝穿洞巾簪墮
翠嵐泉石膏肓除不得共嗟顛雪漫甍甍

次琵琶西李尚書

集斗

盧過玉壺韻

愧與亭爲主尋常似路人前冬違對雪今歲負行春
筇屐拋塵久巖泉入夢新請公畱後約開酒澗之濱

謝履翁問宅

徙宅寧迂闊人真錯告翁願聆垂仔細非語飾便工
就嗜情雖異求安性所同維申間世傑在癸補天功
死食大庭侑生碑萬口豐據茲原麓勝有彼宇堂隆
我卜叶今日遺居溯古風暫勞基永逸謀始貴圖終
松老長擎翠花稠不斷紅山容凭几得池影捲簾通
內庇妻兒穩外超物累空敞云延宦達僻則接隣窮

政喜饒貽後旋思謝事戎朝臨鳶峴北暮對駱峯東
最是瞻依切觚稜頌祝中

楓皋集卷之二



泉楓

一